

VERRÈS

Perqué lé pèi végnon biàn ?

Queut san qué - é in moué y an pouire! - qué lé premire reppie seu la meunna é lé premì pèi biàn seu la téhta (la "canisia", come guiòn lé spétchaliste) son lé premì marque dou nóhtro cor qué y et in camìn a vignì vièi.

Lo colór di nóhtre pèi é dé la nóhtra pé vén dé la *mélanina*, eun *pimèn* produì pé lé séllule dé la pé. Lé pèi végnon biàn can lé séllule, qué son ou fon dé queut lé pèi dou nóhtro cor, produison pamì dé mélanina.

Lé *albén* y an la pé é lé pèi biàn a coza dé la mancansa dé mélanina, in conségouènza dé eunna mutasiòn *djénétéca*.

Y an la lenetta di-z-ouèi rossa perqué la *coroïda* (eunna di peyate di-z-ouèi) qué manque dé pimèn, réflet la lutche di piquiode vèine di-z-ouèi.

Lé pèi végnon biàn pé dé rizòn djénétéque é sèn pout arivé pieu vitto i-z-eun qué i-z-atre.

Sitta y et in tracas qué lé-z-Amérindièn y an pa, vu qué in tchi lór son Bén pócça lé piemà é si di pèi biàn.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Préi de :

Cybersciences de Philippe Chartier

Texte publiè en 2008 sur «Verrès»

Collaborateur de Verrès pour la traduction: **Ferruccio Joly**

La transcription a été soignée par le Guichet Linguistique